

Siunnersuummut nassuiaatit

Nalinginnaasumik nassuiaatit

1. Aallaqqaasiut

Inatsisartut ataatsimiinnerinut atatillugu ilaquttanik ingiallorteqarsinnaanerup annertusineqarnissaa Siulittaasoqarfiup pisariaqartissimavaa.

Inatsisartunut ilaasortat ilaqutariittut inuunerat, minnerunngitsumillu ilaasortat meeraat, eqqarsaatigalugit, taakku isiginiarneqarnerunissaannik kissaateqarneq aallaavigalugu siunnersuut saqqummiunneqarpoq.

Siulittaasoqarfiup taamatuttaaq Inatsisartunut ilaasortat aamma Naalakkersuisunut ilaasortat soraarnerussutisiaqarnissamut aaqqissuussinermik pilersitsinissaat pillugu aningaasarsiaqartitsineq pillugu inatsimmi aalajangersakkat allanngortinneqarnissaat pisariaqartissimavaa.

Aalajangersagaq atuuttoq taanna malillugu Inatsisartunut ilaasortanut aamma Naalakkersuisunut ilaasortanut namminerisamik soraarnerussutisiaqalernissamut aaqqissuussinermik soraarnerussutisiaqalernissamut aningaasaateqarfimmi nunatsinni angerlarsimaffilimmi pilersitsisoqartussaavoq.

Soraarnerussutisiaqalernissamut aaqqissuussinerit maannakkumut PFA Soraarnej-mi pilersinneqartarsimapput. PFA Soraarnej-li 1. januar 2018 atuutilersumik matussaaq, sillimmasersimasullu tamatumunnga atatillugu periarfissinneqarlutik soraarnerussutisiaqalernissamut aaqqissuussinermik PFA Pensionimut, nunatta avataani qullersaqarfeqartumut, nuunnissaannut.

PFA Soraarnej-rup saniatigut ullumikkut soraarnerussutisiaqalernissamut aningaasaateqarfik ataasiinnaq nunatsinni angerlarsimaffeqarpoq, tassalu SISA. Taamaattorli SISA ullumikkut inunnet ataasiakkaanut aaqqissuussinernik neqerooruteqarani, taamaallaat ataatsimoorluni soraarnerussutisiaqalernissamut aaqqissuussinernik neqerooruteqarsimavoq.

Grønlandsbanken aamma BankNordik taamatuttaaq ullumikkut soraarnerussutisiaqalernissamut ileqqaakkanik aqutaqarput, kisiannili Inatsisartunut ilaasortat Naalakkersuisunullu ilaasortat soraarnerussutisiaqalernissamut aaqqissuussinerinut aningaasarsiaqartitsineq pillugu inatsimmi tungavissanut atuuttunut ilaatinneqaratik.

PFA Soraarnej matuneqarneranut ilutigitiillugu soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nutaaq ulloq 1. januar 2018 atuutilissaq.

Inatsisartut inatsisaanni tassani § 1, imm. 3-mi aalajangersarneqarpoq *soraarnerussutisiaqarnissamut aaqqissuussineq soraarnerussutisiaqarnissamut aningaasaateqarfimmi, sillimmasiisarnermik ingerlatsineq pillugu inatsimmi pineqartumi inuunermut soraarnerussutisiaqarnissamulluunniit sillimmasiisarfimmi Finanstilsynimit akuersissummik peqarluni sillimmasiisarnermik ingerlatsisumi pilersinneqarsimassaaq imaluunniit aningaaserivimmi, Kalaallit Nunaanni angerlarsimaffeqartumi imaluunniit aalajangersimasumik ingerlatsiveqartumi kiisalu maani nunami aningaaserivimmik ingerlatsisinnaanissamut Finanstilsynimit akuersissuteqartumi.*

Tamanna tunngavigalugu siunnersuutigineqarpoq Inatsisartunut ilaasortanut aamma Naalakkersuisunut ilaasortanut soraarnerussutisiaqarnissamut aaqqissuussinernik pilersitsinissamut aningaasarsiaqartitsineq pillugu inatsimmi aalajangersagaq soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 1, imm. 3 aallaavigalugu oqaasertalerneqassasoq.

Tamatumunnga nangissutitut siunnersuutigineqarpoq Inatsisartunut ilaasortanut aamma Naalakkersuisunut ilaasortanut soraarnerussutisiaqarnissamut aaqqissuussineq pilersinneqartoq (ullumikkut pinnani) soraarnerussutisiatut naaffeqartumik tunniunneqartartut soraarnerussutisiatulluunniit inuuneq naallugu tunniunneqartartut taamaallaat iluseqartariaqanngitsoq, kisiannili aamma taakku ataqatigiissillugit ilusilerneqarsinnaalissasoq.

2. Siunnersuummi immikkoortut pingaarnerit

2.1. Ataatsimiinnernut atatillugu akiliunneqarluni ilaquttanik ingiallorteqarneq

Malittarisassat atuuttut malillugit Inatsisartunut ilaasortap Nuummi najugaqanngitsup ilaqutai qaninnerpaat (katissimasaq / inooqatigisaq meeqqallu 18-it inorlugit ukiullit sulii angerlarsimasut) ataatsimiinnernut atatillugu qaammatisiutit ukiui tamaasa *ataasiarlutik* akiliunneqarlutik angalasinnaallutillu najugaqarsinnaatitaapput.

Siunnersuutip malitsigissavaa Inatsisartunut ilaasortat Nuummi najugaqanngitsut ilaqutai qaninnerpaat ataatsimiinnernut atatillugu qaammatisiutit ukiuni tamaasa *marloriarlutik* angalanissaminnut najugaqarnissaminnullu akiliunneqartalissammata.

2.2. Inatsisartunut ilaasortanut aamma Naalakkersuisunut ilaasortanut soraarnerussutisiaqalernissamik aaqqissuussinerit

Malittarisassat atuuttut malillugit soraarnerussutisiatut naaffeqartumik tunniunneqartartut soraarnerussutisiatulluunniit inuuneq naallugu tunniunneqartartut Inatsisartunut ilaasortanut aamma Naalakkersuisunut ilaasortanut namminerisamik soraarnerussutisiaqarnissamut aaqqissuussinermik pilersitsisoqartartussaavoq. Soraarnerussutisiaqalernissamut aaqqissuussinerit

soraarnerussutisiaqalernissamut aningaasaateqarfimmi nunatsinni angerlarsimaffilimmi pilersinneqassapput. Soraarnerussutisiaqalernissamut aqqissuussinerit maannakkumut PFA Soraarnej-mi pilersinneqartarsimapput. PFA Soraarnej-li 1. januar 2018 atuutilersumik matusussanngorpoq.

Siunnersuutip malitsigissavaa Inatsisartunut ilaasortanut aamma Naalakkersuisunut ilaasortanut soraarnerussutisiaqalernissamut aqqissuussinerit siunissami pilersinneqartalissammata malittarisassat soraarnerussutisiaqalernissamut aqqissuussinerimut pinngitsoorani ilaanissaq pillugu Inatsisartut inatsisaanni aalajangersarneqarsimasut malillugit. Tamanna isumaqarpoq soraarnerussutisiaqalernissamut aqqissuussinerit, soraarnerussutisiaqalernissamut aningaasaateqarfimmi sillimmasiisarnermik ingerlatsineq pillugu inatsimmut ilaatinneqartumi, inuunermik soraarnerussutisiaqalernissamulluunniit sillimmasiisarnermik ingerlatseqatigiiffimmi sillimmasiisarnermik ingerlatsinissamut aningaasaqarnermik nakkutilliisoqarfimmit Finanstilsynimit akuerineqarsimasumi, imaluunniit aningaaserivimmi Kalaallit Nunaanni angerlarsimaffilimmi aalajangersimasumilluunniit ingerlatsivilimmi nunamilu maani aningaaseriveqarnermik ingerlatsinissaminut Finanstilsynimit akuerineqarsimasumi, pilersinneqassasut. Taamaalilluni soraarnerussutisiaqalernissamut aqqissuussinerit soraarnerussutisiaqalernissamut aningaasaateqarfimmi imaluunniit inuunermik soraarnerussutisiaqalernissamulluunniit ingerlatseqatigiiffimmi pilersinneqartut eqqarsaatigalugit piumasaqaataangilaq pineqartup nunatsinni angerlarsimaffeqarnissaa aalajangersimasumilluunniit ingerlatsiveqarnissaa.

Tamatuma erseqqinnerusumik malitsigissavaa soraarnerussutisiaqalernissamut aqqissuussinerit atuuttut attatiinnarneqarsinnaassammata, taamatullu aamma siunissami soraarnerussutisiaqalernissamut aqqissuussinerimik pilersitsinerimmi soraarnerussutisiaqalernissamik aqqissuussinerimik neqerooruteqartut assigiinngitsut amerlanerusut akornannit toqqaasoqarsinnaalerluni.

Siunnersuutip peqatigitillugu malitsigissavaa soraarnerussutisiaqalernissamik aqqissuussineq pilersinneqartuq *pinngitsoorani* soraarnerussutisiatut naaffeqartumik tunniunneqartartutut imaluunniit soraarnerussutisiatut inuuneq naallugu tunniunneqartartutut iluseqartariaarutissammat, kisiannili aamma taakkunanga ataqatigiissitsilluni tunniunneqartartussatut iluseqarsinnaalissalluni.

Inatsisissatut siunnersuut inatsimmut atuuttumut sanilliullugu	
Oqaasertaliussat atuuttut	Inatsisissatut siunnersuut
	<p>§ 1</p> <p>Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaanni nr. 22-mi, ulloq 18. december 2003-meersumi, ilaatigut inatsisartut inatsisaatigut nr. 1, 27. marts 2006-imeersukkut, inatsisartut inatsisaatigut nr. 2, 15. april 2011-meersukkut kingullermillu inatsisartut inatsisaatigut nr. 3, 3. juni 2015-imeersukkut allanngortinneqartumi, makku allanngortinneqassapput:</p>
<p>§ 4. Ilaasortanut Nuummi najugaqanngitsunut qaammatisiutit malillugit ukiut tamaasa ataasiarluni Inatsisartuni ilaasortap aapparisa Inatsisartut ataatsimiinnerannut atatillugu ingialluinermi angalanermut ineqarnermullu akiliunneqartassaaq.</p> <p><i>Imm. 2.</i> Aappariinnermut naligitaassaaq inuit aqqisa allattorsimaffianni najugaqatigiittut nalunaarsorneqarluni ukiumi ataatsimi inooqatigiinneq.</p> <p><i>Imm. 3.</i> Ilaasortanut Nuummi najugaqanngitsunut qaammatisiutit malillugit ukiut tamaasa ataasiarluni Inatsisartuni ilaasortap qitornai 18 inorlugit ukiullit angerlarsimaffimmi najugallit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqartassapput.</p> <p><i>Imm. 4.</i> Inatsisartuni ilaasortaq</p>	<p>1. § 4 ima oqaasertaqassaaq: ”§ 4. Ilaasortanut Nuummi najugaqanngitsunut qaammatisiutit ukiui tamaasa marloriarluni Inatsisartunut ilaasortap aapparisa Inatsisartut ataatsimiinnerannut atatillugu ingialluinermi angalanermut ineqarnermullu akiliunneqartassaaq. <i>Imm. 2.</i> Aappariinnermut naligitaassaaq inuit aqqisa allattorsimaffianni najugaqatigiittut nalunaarsorneqarluni ukiumi ataatsimi inooqatigiinneq. <i>Imm. 3.</i> Ilaasortanut Nuummi najugaqanngitsunut qaammatisiutit ukiui tamaasa marloriarluni Inatsisartunut ilaasortap qitornai 18 inorlugit ukiullit angerlarsimaffimmi najugallit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqartassapput. <i>Imm. 4.</i> Inatsisartunut ilaasortaq Naalakkersuisunut ilaasortajutigippat</p>

<p>Naalackersuisuni ilaasortaajutigippat aapparisa qitornaaluunniit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqassanngillat.</p>	<p>aapparisa qitornaaluunniit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqassanngillat.”</p>
	<p>2. Immikkoortumi ” Inatsisartuni ilaasortat: Aningaasarsiat, aningaasartuuteqarnermut tapit, ineqarnermut tunngasut, angalanermi aningaasartuutit ilaquttanillu ingiallorneqartarnej” § 4-p kingornanut ilanngunneqassaaq: ” § 4 a. § 3, imm. 2-3, naapertorlugit angalaneq, najugaqarnej ullormusiallu imaluunniit § 4, imm. 1 aamma 3, naapertorlugit angalaneq najugaqarnerlu akileraarutaassanngillat.”</p>
<p>§ 17, imm. 2.: <i>Imm. 2.</i> Soraarnerussutisiatut naafferartumik tunniussassatut imaluunniit inuuneq naallugu soraarnerussutisiatut ilusilerlugit soraarnerussutisiaqartitsinermik aaqqissuussinermik namminersortumik Kalaallit Nunaanniittumik pilersitsisoqassaaq. Inatsisartunulli Naalackersuisunulluunniit ilaasortat atuuffimminnut ullormi ivertitaanerminni 50-inik ukiullit soraarnerussutisiassanut akiliutinik isertitatut nalinginnaasumik akileraarusigassanik imm. 3-mi taaneqartunik tunineqarumallutik toqqaasinnaapput.</p>	<p>3. § 17, imm. 2, ima oqaasertaqassaaq: ” <i>Imm. 2.</i> Soraarnerussutisiatut naafferartumik tunniunneqartartussatut, soraarnerussutisiatut inuuneq naallugu tunniunneqartartussatut, taakkunangaluunniit ataqatigiissitsilluni tunniunneqartartussatut soraarnerussutisiaqalernissamut aaqqissuussinermik pilersitsisoqassaaq Inatsisartunut Naalackersuisunulluunniit ilaasortat ataasiakkaat innersuussinemat malillugu. Soraarnerussutisiaqalernissamut aaqqissuussineq, soraarnerussutisiaqalernissamut aningaasaateqarfimmi sillimmasiisarnermik ingerlatsineq pillugu inatsimmuut ilaatinneqartumi, inuunermik soraarnerussutisiaqalernissamulluunniit sillimmasiisarnermik ingerlatseqatigiiffimmi sillimmasiisarnermik ingerlatsinissamut aningaasaqarnermik nakkutilliisoqarfimmit</p>

	<p>Finanstilsynimiit akuerineqarsimasumi, imaluunniit aningaaserivimmi Kalaallit Nunaanni angerlarsimaffilimmi aalajangersimasumilluunniit ingerlatsivilimmi nunamilu maani aningaaseriveqarnermik ingerlatsinissaminut Finanstilsynimit akuerineqarsimasumi, pilersinneqassaaq. Inatsisartunulli Naalackersuisunulluunniit ilaasortat atuuffimminnut ullormi ivertitaanerminni 50-inik ukiullit soraarnerussutisiassanut akiliutinik isertitatut nalinginnaasumik akileraarusigassanik imm. 3-mi taaneqartunik tunineqarumallutik toqqaasinnaapput.”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2018 atuutilerpoq.</p>

3. Pisortanut aningaasatigut allaffissornikkullu kingunerisassai

Inatsisartut ataatsimiinnerinut atatillugu ilaqtutanik ingiallorteqarsinnaanerup annertusineqarnissaanik siunnersuutikkut ilaqtariinnut ingiallorteqartarnermut Nunatta Karsiata aningaasartuutaasa marloriaatinngornissaat naatsorsuutigineqarpoq.

Aapparisat meeqqallu angalanerinut Nunatta Karsiata aningaasartuutai 2016-imi 230.000 kr. missigisimavai.

Aningaasartuutilli annertussusissaannut apeqqutaapput Inatsisartunut ilaasortat ilaat qassit Nuup avataani najugaqarnersut, 18-it inorlugit ukiulinnik angerlarsimasunik qassinik meeraqarnersut, taamatullu aamma ilaasortanit pineqartunit qassit katinnikuullutilluunniit inooqateqarnersut.

Aaqqissuussineq 2016-imi Nuummiinnermi najugaqartinneqarnermut aningaasartuuteqarnerunermik malitseqanngilaq.

Ilaqtutanik ingiallorneqarsinnaanerumut periarfissat annertusineqarnerat siunnersuutigineqartoq annerusumik allaffissornikkut kinguneqassanngitsoq naatsorsuutigineqarpoq.

Inatsisartut ilaasortat aamma Naalackersuisunut ilaasortat soraarnerussutisiaqarnissamik aaqqissuussinermik pilersitsinissaannik aalajangersakkamik allanngortitsinerup siunnersuutigineqartup pisortanut aningaasatigut allaffissornikkulluunniit kinguneqarnissaa naatsorsuutigineqanngilaq.

4. Inuussutissarsiortunut aningaasatigut allaffissornikkullu kingunerisassai

Siunnersuutip inuussutissarsiortunut allaffissornikkut aningaasatigulluunniit kinguneqarnissaa naatsorsuutigineqanngilaq.

5. Avatangiisinut, pinngortitamut innuttaasullu peqqissusiannut kingunerisassai

Siunnersuutip avatangiisinut, pinngortitamut innuttaasulluunniit peqqissusiannut kinguneqarnissaa naatsorsuutigineqanngilaq.

6. Innuttaasunut kingunerisassai

Siunnersuutip innuttaasunut kinguneqarnissaa naatsorsuutigineqanngilaq.

7. Kingunerisassai pingaarutillit allat

Siunnersuutip pingaarutilinnik allanik kinguneqarnissaa naatsorsuutigineqanngilaq.

8. Oqartussanik suliniaqatigiiffinnillu il.il. tusarniaaneq

Inatsisissatut siunnersuut tusarniaatigineqanngilaq. Tamatumunnga pissutaavoq siunnersuut annerusumik Inatsisartunut Naalackersuisunullu ilaasortat eqqarsaatigalugit sunniuteqartussaammat.

Aalajangersakkanut ataasiakkaanut nassuiaatit

§ 1-imut

Nr. 1-imut (§ 4)

Siunnersuutigineqarpoq Inatsisartunut ilaasortat Nuummi najugaqanngitsut qaammatisiutit ukiui tamaasa aapparissaminik meeqqaminnullu Inatsisartut ataatsimiinnerannut atatillugu marloriarlutik ingiallorneqarsinnaalissasut. Angalanermut najugaqarnermullu aningaasartuutit nunatta karsianit akilerneqartassapput.

Aalajangersakkami meeqqat 18-it inorlugit ukiullit kisimik pineqarput. Meeqqap najugaqatigineqarnissaa piumasqaataavoq. Meeqqat ass. elevhjemmimi angerlarsimaffeqartut efterskolertulluunniit taamaalillutik aaqqissuussinermut ilaanngillat.

Ilaasortaq katinneqanngippat aappaqarlunilu, aappariinnermut naligititaassaaq inuit aqqisa allattorsimaffianni najugaqatigiittut nalunaarsorneqarluni sivikinnerpaamik ukiumi ataatsimi inooqatigiissimanissaq.

Angalanermut aningaasartuutit aamma najugaqarnermut aningaasartuutit matussuserneqassapput, apeqqutaatinnagu aapparisaq meeqqallu ilaasortamit kingulliullutik Nuummuk tikinnersut ilaasortamilluunniit siulliullutik aallarnersut. Taamaalilluni piunasaqaataannqilaq pineqartut ataatsimiinnerup pineqartup nalaa tamaat Nuummiissasut.

Aapparisaq meeqqallu Inatsisartunut ilaasortaq pineqartoq najugaqatigisassavaat. Maannamutut piunasaqarineqarsinnaassannqilaq:

- Inissiamut aalajangersimasumut inissinneqarnissaq
- Sumiiffimmi aalajangersimasumi inissiamut inissinneqarnissaq
- Inissiamut aalajangersimasumik pitsaassusilimmuk inissinneqarnissaq
- Inissiamut immikkut pequtsersukkamut atortulersukkamulluunniit inissinneqarnissaq
- Inissiamut aalajangersimasumik annertussusilimmik aalajangersimasumilluunniit amerlassusilinnik initalimmuk inissinneqarneq.

Inatsisartut / Inatsisartut Allattoqarfiat namminerisaminik najugaqarfigineqarsinnaasunik inissiaateqanngilaq. Taamaattorli Inatsisartut Allattoqarfiata sapinngisamik ilaasortanut ataatsimiinnissaq sioqqulluarlugu ilaquuttaminnik ingiallorteqarnissaminnik nalunaaruteqartunut inissianik pissarsiniartarpoq naammattuni siniffissalinnik.

Nr. 2-mut (§ 4 a)

Ataatsimiinnernut ataatsimiititaliallu sulinerinut il.il. atatillugu akiliunneqarluni ilaquttanik ingiallorteqarnerup imaluunniit Inatsisartunut ilaasortat angalanerisa, najugaqarnerisa ullormusiaasalu akileraarutaannginnissaasa erseqqissarneqarnissaat pisariaqartinneqarsimavoq.

Aalajangersagaq maannamut suleriaasiusimasumut naapertuuppoq.

Nr. 3-mut (§ 17, imm. 2)

Siunnersuutigineqarpoq namminerisamik soraarnerussutisiaqalernissamut aqqissuussineq Inatsisartunut ilaasortanut aamma Naalakkersuisunut ilaasortanut pilersinneqartoq siunissami soraarnerussutisiaqalernissamut aningaasaateqarfimmi sillimmasiisarnermik ingerlatsineq pillugu inatsimmuk ilaatinneqartumi, inuunermik soraarnerussutisiaqalernissamulluunniit sillimmasiisarnermik ingerlatseqatigiiffimmi sillimmasiisarnermik ingerlatsinissamut aningaasaqarnermik nakkutilliisoqarfimmit Finanstilsynimiit akuerineqarsimasumi, imaluunniit aningaaserivimmi Kalaallit Nunaanni angerlarsimaffilimmi aalajangersimasumilluunniit ingerlatsivilimmi nunamilu maani aningaaseriveqarnermik ingerlatsinissaminut Finanstilsynimit akuerineqarsimasumi, pilersinneqassasoq.

Piomasaaqat tamanna soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaanni aalajangersarneqarsimasunut naapertuuppoq.

Soraarnerussutisiaqalernissamut aqqissuussineq soraarnerussutisiatut naafferartumik tunniunneqartartussatut, soraarnerussutisiatut inuuneq naallugu tunniunneqartartussatut, taakkunangaluunniit ataqatigiissitsilluni tunniunneqartartussatut pilersinneqarsinnaavoq.

Siunnersuutikkut Inatsisartunut Naalakkersuisunulluunniit ilaasortaanut ataasiakkaanut aalajangigassanngortinneqarpoq soraarnerussutisiaqalernissamut aqqissuussineq qanoq ittoq pilersinneqassanersoq, tassunga ilanngullugu aqqissuussineq soraarnerussutisiaqalernissamut aningaasaateqarfimmi, inuunermik soraarnerussutisiaqalernissamulluunniit sillimasiisarnermik ingelatseqatigiiffimmi imaluunniit aningaaserivimmi pilersinneqassanersoq. Taamatut aalajangernissamut ilaasortat ataasiakkaat namminerisaminnik siunnersortissarsiuapput.

Inatsisartunut Naalakkersuisunullu ilaasortat ilaasortanngornermi soraarnerussutisiaqalernissamut aqqissuussinermut ilaareersunut soraarnerussutisiaqalernissamut aqqissuussinermik nutaamik pilersitsinissaq pisariaqanngilaq. Ilaasortat tamanna kissaatigippagu aqqissuussineq atuuttoq ingerlaannarsinnaavoq. Tamanna atuuppoq apeqqutaatinnagu soraarnerussutisiaqalernissamut aqqissuussineq atuuttoq aningaasarsiaqartitsineq pillugu inatsit malillugu (siusinnerusukkut atuuffimmut atatillugu) imaluunniit ass. suliffeqarnermit isumaqatigiissutit tunngavigalugit pilersinneqarsimanersoq.

Inatsisartunut Naalakkersuisunulluunniit ilaasortat taamatut atuutilernermi 50-ileereersimasut soraarnerussutisiaqalernissaminnut akileeqataassutimik nalinginnaasumik aningaasarsiatut akileraarutaasussatut tiguneqartarnissaannik toqqaasinnaanannik aqqissuussineq aalajangersakkakut ingerlateqqinneqarpoq. Aqqissuussinermut tamatumunnga aallaqqaammut tunngavimusimavoq soraarnerussutisiaqalernissamut aqqissuussinerup ullumikkut atuuttup eqqunneqarnerani inunnt soraarnerussutisiaqalersinnaasutut ukioqalersimasunut ukioqalilersunulluunniit soraarnerussutisiaqalernissamut aqqissuussinissaq ulluinnarni pilersinneqarsinnaasimannngimmat. Pinngitsoorani soraarnerussutisiaqalernissamut aqqissuussinermik pilersitsisimanissamik Inatsisartut inatsisaata qanittukkut atuutilernissaa tunngavigalugu tamatumunnga periarfissat pitsaanerulissasut naatsorsuutigineqarpoq. Tamannali soraarnerussutisiaqalernissamik aqqissuussinernut suogaluartunulluunniit soraarnerussutisiaqalernissamillu aqqissuussinernik neqerooruteqartartunut tamanut atuunnersoq ullumikkorpiq Siulittaasoqarfiup tamakkiisumik qulaajarsimannngilaa. Tamanna tunngavigalugu soraarnerussutisiaqalernissamut aqqissuussinermut akiliisannginnissamik aqqissuussinerup ingerlatiinnarneqarnissaa toqqarneqarsimavoq.

Akiliisannginnissamik aaqqissuussineq taamaallaat atuuppoq Inatsisartunut Naalackersuisunulluunniit ilaasortanut aningaasarsiaqartitsineq inatsit malillugu soraarnerussutisiaqalernissamut aaqqissuussinernut ilaariinngitsunut. Ass. ilaasortaq 48-nik ukioqarluni ilaasortanngorsimappat, tamatumunngalu atatillugu aningaasarsiaqartitsineq pillugu inatsit malillugu soraarnerussutisiaqalernissamut aaqqissuussinermik pilersitsisoqarsimappat, ilaasortap pineqartup ukuiut marluk qaangiuppata 50-inik ukioqaleruni siunissami soraarnerussutisiaqalernissamut akiliutit aningaasanngorlugit tigusarnissaannik toqqaasinnaangilaq.

Inatsisartunut Naalackersuisunulluunniit ilaasortaq ivertinneqarnermini 50-ileereersimasoq, soraarnerussutisiaqalernissamullu akiliutit aningaasanngorlugit tigusarnissaannik toqqaasimasoq, taamaasilluni pinngitsoorani soraarnerussutisiaqalernissamut aaqqissuussinermut peqataanissamik Inatsisartut inatsisaat naapertorlugu soraarnerussutisiaqalernissamut ileqqaagaqarnissamut pisussaaffiup avataaniissangilaq. Tamanna isumaqarpoq ilaasortap pineqartup 1. januar 2018 atuutilersumik pinngitsoorani aningaasarsiami 4 %-ii soraarnerussutisiaqalernissamut aaqqissuussinermut nakkartittassagai. Procenti taanna ukiumut 2024-ip tungaanut procentimik ataatsimik qaffattassaaq. 2024-imiit pinngitsoorani soraarnerussutisialernissamut akiliutit aningaasarsiat 10 %-rissavaat.

§ 2-mut

Aalajangersakkami siunnersuutip atuutilerfissaa taaneqarpoq.